

卷之四

石倉十二代詩選

明三集卷之五十五

燕吳遊稿

大明

高明區懷瑞著

何汝學曹學仝閱

寒食遊曾德寺

作客去丘隴二載維輕舸  
 雨露忽旣濡傷心淚  
 空墮晚步城南原遠眺晴嵐鎖  
 途青積雪霽雲  
 白梨花禪軟翠圍紺宮寒  
 煙收紫邏春服換緇  
 流冷食依蓮座六塵空  
 色香四相祛人我邊書  
 感野哭遊幙仍江左何繇  
 孤寂遣俯仰憂傾叵

且續智慧燈莫問新榆火

于無相寺晚步塘上

湖上浦淑佳雨過遊層碧刹景宛在中嵐光倏  
將夕風轉草未昏日入山更赤出寺鐘梵微野  
曠隨所適谷蘭媚堪把新荷淨如拭仄徑寫青  
錢環丘映浮壁僧閒農圃言客餽伊蒲食漁燼  
起蘆際幢燈射林隙稍喜似李園非關遣孤寂  
誰堪沙鳥驚且混鉢龍跡

雪夜胡元方招同蕭伯懋周元龍過集

陌夜雪花光高雲淨苑墻幽人占紫氣仙客下  
文昌賦倅誇鸚鵡裘能典鸚鵡華燈芝燭秀臘  
甕竹波香說劍看龍合停驂喜雁行冰壺翻映  
玉璧月更如霜郢曲推才子燕歌任酒狂寒途  
那可覓吾已醉爲鄉

伯襄太史洞梅盛開同緒仲宮贊過酌

集君瑤臺下儵然冰雪春誰言薊門客還對羅  
浮人芸閣窺青案紗籠隔素塵南枝嶺外秀孤  
影洞中新羌笛聲徒寫妝檐靨未勻芳魂無俗

寢冷豔見天真詎許香輶過惟憐玉笋親廣平  
應有賦畱醉問花神

贈黎無求

海客辭羅浮往來泰山麓手持青虬杖云是龍  
公玉尋雲一長嘯清音滿崑谷綺陌俠少季遠  
道日追逐相逢燕市酒時聽漸離筑然諾千黃  
金休問侏儒粟竒策千萬乘公卿徒趨趨請効  
尺組間不作秦庭哭

北征荅弟未永

家本世經術童孺擅文史雅頌獻承明泪盪踰  
三紀參差六代音乃諧巴渝耳聖作何遭逢捧  
檄辭鄉里退則貢公笑進爲終童耻流光不我  
與梗汎安能已惜陰幸喆弟感奮天池起何以  
慰臨岐大業光先子

過汪公幹故居

生平骯髒氣此際向誰論松菊宛幽逕蓬蒿非  
故園無人傳綠綺有客過高軒手澤圖書秘心  
期風雅言朋交皆萬里骨肉幾相存岐路緇塵

歷代詩選 卷四  
黯悲歌白日昏飄零王粲賦宋莫孔融樽廿載  
壇場老千秋羈旅魂青春招楚客碧艸怨王孫  
爲問西州淚何如薊北門

將度江南寄懷王董父

旅食問江津劃流何浩浩方春理南楫冰雪仍  
遵道雲樹近佳麗風煙異幽奧回首秘閣人京  
洛淹同好憶處緇塵中斗酒還相勞分藜讀蠹  
簡映玉過貂帽合弁感寢思判別增悲悼慚愧  
隴頭楸郵籤未可報

清河行

碧熒熒填山谷清河天昏鬼晝哭城中燕雀  
寂不飛惟見飢烏啄人肉石塹可越天可梯夜  
半驅馬與雲齊平明十仞稱玉壘日午蹴踏如  
雞栖狻猊吹沙腥風起血兇激射旄頭紫錕鍔  
寸鐵沈寒水鼓聲先向將軍死羯夷那用覓貂  
參直與估客馱黃金緹騎汗鬣走刺蝟更爲鴟  
鴟傳好奇

哀北關

歷代詩選 明園 四  
屬夷金台失白羊骨駐收鎮北關外世稱北  
關夷人初奴酋既併南關耽視涎頤中國護  
之不得逞北關憾我甚每偵奴虛實以報又  
出師爲我犄角開原破後請徙保塞內任屏  
扞當事疑其兩端竟阻絕之奴悉衆急攻我  
不敢揀遂一日滅兩寨

自奴虺蜴包禍心芟除搏噬機更深所餘不侵  
與不叛北關于我稱世臣梟騎兩部居唇齒犄  
角羯夷無乃是羶裘不混犬羊羣鋒鏑爭爲中  
國死震隣埃火沒開原欲翦荆榛扞內邊閉關  
但顧文墨議直抱金注爲瓦全从教阻絕成孤  
壘合圍半日灰塵起碧燐夜壓夷烽紫甘作國  
殤馮厲鬼引弓之民皆義士愧殺生還仗鉞子  
關門北望竈廬空海西沙礮擊陰風金兮白兮  
嘯怒其中誰歌無衣悲與此同

哀東藩

朝鮮旣以兵二萬從大將軍縋入奴巢戰敗  
奴脅降其元帥佐幕以下六百人餘悉阬之

歷代詩選 明園  
五  
當事者顧受反間移文詰責比得辨白議遣  
卹慰竟以璽書授其行人還國王屢請朝使  
不能得

國家藩海植箕封渥恩不與羈縻同斷鼇立極  
釜山北感泣君臣暘谷中廿年生聚始成師鴨  
淥沿江置邏騎貂廳窟穴勤天討前驅執受敢  
教遲遶營殺氣昏清晝挺而走險窮猶鬪敵王  
之愾三萬人棄置孤荒不相救請收餘燼借前  
籌間書寧暇自爲謀伐交儻奉中朝略蠶食偏  
爲下國憂年來湔雪島雲東引領鸞書下碧空  
弔死恤傷無一使邊庭徒自畫王宮

高座寺

棋岡花雨自綿綿劫火飛光閱大千江上帆檣  
窺講席雲中樓檻俯諸天陰森寶樹蟠鱗甲剝  
落迴廊畫聖賢五體欲投空色界三生還結願  
香煙青蓮居士今杳矣高座道人方卓然梵夾  
凋殘何所用品茶供石度流年

綠筠篇爲朱咸一壽母

籀龍孤根碧天矗秋日潛吟楚江曲風霜歲月  
知幾千石上檀欒爲誰綠我聞媯皇協律時巧  
裁鳳翼影參差遺匏已付雙成奏截琯豈待伶  
倫吹又聞歌舞韶箭日有鳥喈喈啄織實君山  
方玉稍素煙不共湘妃怨靈匹只今鸞鷲起篁  
叢三徑依然林下風遙憶孫枝陰桂籍猶堪慈  
筍迸雲中

尋嬾融洞

洞門金虎依香錫玉龍飛此地人稱嬾諸天供  
漸稀煙霞跡在苔蘚劫塵微若向丹陽問應  
憐未息機

同冒伯麀集張問夫旅舍

憐君小築意遠勝白門人款客桃花月焚香蕙  
草春雲山堪共悅花鳥宛相親但取壺觴在誰  
言四壁貧

同景周宗侯過朱宗伯別業

最憐大隱處還傍謝公墩冶戍煙籠逕鐘山雲  
候門紅亭巢木杪翠桁接花原對此異朝市應



知谷口村

宿牛首山弘覺寺

松梵晚逾作因生禪悅心  
林端泉石咽雲上海  
潮音香閣雨花入繩牀  
蕙筍侵幸無夢幻遶蓮  
漏任沈沈

歷陽百福寺

折蘆還此地蓮構儼江波  
衲鉢西來意津梁覺  
後過花邊香綻少松下  
明聲和託息真慈氏雲  
林怖鴿多

晚發采石宿當利口

亂流趨極浦涉險信長風  
岼沒平沙外帆低夕  
照中焚犀穿浪火解劒  
落溪虹莫恨昭關北人  
今吳苑東

袁武選將赴關門夜與黎無求過集話別  
幾年關塞恨肝膽始逢君  
竹葉離觴影松花古  
劒文鷄聲驚子夜馬首帶春雲  
想報天山箭先  
於旅鴈聞

雨中朱元介別墅賞桃花

歷代詩選 明園  
竹逕一尊宜。花源幾蝶窺。聽雲欣共醉。歷磴遠  
忘疲。細壓青油幕。紅歛白接籬。天孫休濯濯。妬  
殺雨中姿。

其二

誰解啼妝儗。惟專畫裏醺。檻春隨酒駐。宮漏隔  
花聞。席泛臙脂雨。林燒翡翠雲。莫愁煙靄合。山  
晚正氤氲。

過潮水菴

花龕湧翠氛。乳竇變朝暉。濤響過山院。泉香流  
澗雲。幻餘一泡影。觀豈六時分。自解歸空義。誰  
尋梵筴文。

出右安門渡凉水河尋萬泉寺

不知行路遠。却訝紺雲深。錫有香泉迳。壇餘惡  
草侵。五龍歸半壁。獨鳥飯雙林。自結清涼地。何  
人復布金。

將南還李伯襄編修招集賦別

相對倍依依。他鄉人欲歸。酒邀新羽筴。歌送舊  
漁磯。影愧宮鴉集。心隨旅鴈飛。何能策疲馬。重

願代詩選  
期圖  
九  
訪掖垣扉

輓孔陽宗侯

傳有脩文召王孫復此行仙猶虎嶺去隱卽鹿  
門耕玉舄罡風送珠襦湛霧迎空餘劒氣在夜  
夜斗邊明

隋宮行樂詞

輦路覆忘憂芳菲萬葉遊歷城過翠葆穿堰出  
龍舟月樹低仙閣雲花響御溝連宵安寶帳虛  
擬散春愁

其二

幄殿水綃侶香車月御同犀簾真却暑龍簾早  
生風百葉簪雙碧千花暈一紅衫衣且莫捲人  
醉水晶宮

其三

璧月續蟾光留儂及夜涼柳迷新水市花睡小  
雷塘冷露驚鳩鵲稠雲惱鳳皇憨兒今薦寢來  
夢莫分香

其四

歷代詩選 明區  
蒙谷屏初墜 馳峰仗晚移 焚香融雪窖 選玉膩  
溫池獻臘行 羔酒衝寒擁 豹旗苑南多 綵樹先  
發合歡枝

感秋

長榆關外鏃如霜 未及防秋草已黃 烽火連天  
驚虎豹 塞垣斜日斷牛羊 銷魂屢見新都護 暴  
骨寧論古戰場 聞道行邊饒遠略 可能談笑繫  
名王

其二

兩朝陵寢翠微間 頻下龍髯不可攀 地塹太行  
通八塞 雲浮碣石扈千山 洞泉寶璐歸弓劍 風  
雨松楸想珮環 頭白內家詢遑事 移宮空有淚  
潺潺

其三

清商一倍助刁騷 苑籞連宵鴈鴛號 舊曲莫誇  
秋白苧 少年新進鬱輪袍 窺筵絳樹千枝發 遶  
殿參旗五夜高 直入綴衣虛佩犢 君王稀御鷓  
鴒刀

遊武清侯海淀別業

百畝迴塘背郭西  
朱門深處有雲棲  
漸臺影月槎能泛  
複道行空磴屢迷  
覆水芳林分左右  
沿堤惟石待留題  
花源誤許通漁艇  
車馬紛紛認舊蹊

長安九月對雪

商飈幾欲凍桑乾  
誰道玄陰始作寒  
客舍正愁雲漠漠  
敝裘空對雪漫漫  
夢迴嶺樹香寧發  
吟傍籬花白未殘  
待送將歸望秋色  
閉門先自臥

袁安

廣寧潰後有感

六年徵戍總如林  
千里閭陽竟陸沈  
輸與天驕滄海粟  
坐銷神祖鼎湖金  
度河已誤遼東豕  
集闕翻羞肅慎禽  
何事尚方頻賜劔  
秬餘獄底作龍吟

其二

廣寧剝戍虜猶迷  
雲裏崩奔萬馬齊  
東道豈堪重築舍  
榆關只合請丸泥  
沙蟲蹤蹟餘戈甲  
風

鶴驚心聽鼓鼙爭與潰軍稱殿後無人緩轡死  
遼西

其三

九重悉甲付羣公誰信當關有異同不見清笳  
宵退虜惟愁白簡日興戎三方莫布盧龍塞兩  
造空陳碣石宮更向遼人輕間諜毒雲腥霧岔  
河西

雪夜鑿江守歲

積雪鑿江燈火微江臯林影晚逾暉舟人守歲  
歡相勞遊子天涯歎未歸欲遣離愁虛對酒更  
於殘夜倍沾衣倚閭縱慰還家夢宵逐春雲到  
曙飛

送楊中丞撫鄖陽

多難邊陲未橐弓中興十乘寄元戎幟帷參上  
真人氣鼓吹周南大國風三節錦衣汝水北千  
秋銘石劒門東當陽陵谷依然在今日還看  
在鎮同

花朝雪夜與朱景周飲傅貞叔齋中

歷代詩選 明區  
下馬秦淮問酒家紅塵猶自墜窻紗尋春欲撲  
花前蝶二月香風雪作花

秦淮竹枝詞

柳眠花舞院周遭低喚流鶯蝶夢高閒殺小姑  
無一事雨窻籠火壓櫻桃

其二

短篷尋谿弄碧波賞心亭畔宛來過女郎不省  
留歡夜猶自欵歔玉樹歌

其三

送別那堪白下門勞勞亭上坐銷魂感郎却贈  
珠盈掬阿母曾教拭淚痕

真州曲

朝來赤岬數鷗飛沙際蓮房欵竹扉爭遣催花  
開雪窻上江春暖課船歸

邗溝行

恨到灣頭芍藥壇竹西無路柳堤殘贈花兒女  
春多少猶作山光野寺看

其二

歷代詩選  
明園  
海棠貼岼蓼花秋想見葳蕤玉輦留分賜螺青  
三萬石飄零殿脚映江頭

其三

缺口家家典鷓鴣故人留繫白駒場虛傳胡馬  
幽州客今日蒲帆老北商

其四

茶坊曲曲隔城西萬幕千帘別有蹊自是玉塵  
經劫地寧愁錦襪污春泥

長安東陌行

隱隱裾香逐遠風玉蘭圍碧茜園紅軟塵十里  
迷蜂蝶六曲藏春帝苑東

其二

翼宿廟前花乍開教坊羯鼓莫頻催留歡慢演  
司花曲今日穿宮導駕來

長安西陌行

壽喜綾文璧研光液池分翼紫鴛鴦自緣放直  
纏頭贈夜夜宮衣候大璫

其二



歷代詩選 助  
捉扇驅蠅不暫閒  
輸郎夏屋對冰山  
紅塵赤日西城去  
十里荷風海淀還

長安南陌行

香車如水過流倡  
忽訝相逢墮馬妝  
雙轂似緣投轄盡  
玉鞭新試紫騮韉

其二

戲頂蓮花玉不如  
雲鬟覆面豈勝梳  
乘鸞却苦祠官禁  
暫向天壇學步虛

三續集卷

石倉十二代詩選

明三集卷之五十六

水部集

大明

嘉興范應賓著

汝孝曹學佺閱

擬古

鬱鬱園中薺芊芊  
塞上草俱共日月  
照凋謝獨何蚤  
袷服詣當墟  
揖我謂我好髀肉  
常苦多玄鬢常苦少  
滔滔東逝波清濁  
兩難保

其二

百年何鼎鼎歡娛苦  
不給寒暑誰居諸  
胡不日

歷代詩選 明初文  
鼓瑟鼓瑟吹笙竽烹歌讌親暱今日樂相樂詰  
旦安可測高堂張華燈鴛鴦列綺席薄暮車馬  
還落落如傳驛盛年不遨遊衰謝嗟何及

其三

驅車北邙山塚墓何纍纍白楊轉蕭蕭狐兔號  
且悲牧豎遊其巔荆棘下成蹊賢愚及壽夭聚  
歛歸一涯嗟彼下泉人生平較銖鎰逝者長已  
矣生者徒嗟咨

其四

川途浩莽莽谷風蕩以柔瀉水置平地各自四  
面流人情易反覆意氣懣戈矛嗟哉生平好棄  
我如龐肱團扇委秋草三嘆成白頭周饑春君  
子未見何綢繆匪席不可卷歲寒聊與謀

樂毅

毅本家邯鄲躡屩歸燕昭感茲國士遇用以乘  
齊驕七十濟上城摧拉如鴻毛功旣在不賞衆  
口黃金銷函書報新主負罪臣徒勞

田光

歷代詩選 明正光  
燕秦不兩立謀臣競先鳴  
峩峩黃金臺棄置田  
先生騏驥志千里白首猶崢嶸  
旣言戒勿洩抱  
劍謝荆卿矯矯節俠士千古垂其名

高漸離

壯夫重一諾志士羞獨存  
荆軻爲燕死漸離抑  
何心竄身傭保間嗚咽涕泗淫  
筑聲慘林木聞  
者悲莫任臙目豈不辱  
結念良獨深舉鉛擿不  
中泉下殉知音

松下

病起萬慮屏杖策隨所之  
偶來青松下徘徊撫  
其枝颯颯風乍起亭亭影自移  
孤坐澹容與月  
色深空池

憶元清弟途中

別爾何日短憶爾何日長  
骨肉豈不邇只尺遙  
相望冰雪壯千里匹馬登危岡  
西風捲白草獵  
獵吹衣裳少小不出戶  
詎知遊遠方延佇歸鴻  
翼車輪轉人腸

同賀伯闇大行曹公振太學酌源泉

歷代詩選 明 沈 步 父 三  
鐘迴寺逾靜雨餘林更陰偶然泉石下迴激自  
成音日入衆鳥息杳杳邨路深飛觴不成醉曳  
杖且微吟

當牕織

當牕織堦前月白露華濕朝織暮織不成疋袖  
短涼風生絲脆十指澀良人遠戍河之陽蕭蕭  
九月單衣裳悲聲絡緯鳴洞房千絲萬縷誰短  
長

楊白花

楊白花春空如雪踏楊花楊花白乍撲房櫳更  
阡陌蕩子年年不肯歸樓頭少婦怯羅衣千般  
可憐誰與知芳春桃李能幾時願逐風吹桃李  
片縈抱楊花出深澗流到郎邊見郎面

禽言

姑惡姑惡繞林無棲泊逐雌不顧雄逐母不顧  
殼東家鳩婦拙且樂

咄咄去樹有鼠不可捕樹有神叢不可觸悟去  
咄咄枯楊蠹蟻聲唧唧斫却枯楊蟻何食

歷代詩選 卷之八 四  
行不得哥哥 哥上有繒弋 下有罽羅 南山有題肩  
北山有鳥 囹鈎 駟格 磔奈若何  
不如歸去 不如歸 榆枋去 渴飲渚田 飢啄諸蕓  
無端萬里 千歲慮 銜木銜粟 空瞿瞿

獲鹿道中紀異

三月廿一日 亭午鹿泉 隱隱隔林塢 樹裏垂鞭  
信馬行 僕夫東指 恠雲生 太行峩峩 勢逼側舞  
石飄沙 黯無色 火光迸裂 雷霆奔滹沱 水立千  
尺 黑虎豹長 嗥狐兔馳空山 唧唧魑魅啼疾風

蓬勃捲煙霧 只尺晦暝 不辨誰白晝 驚如泣夜  
臺狂呼 暗扣柴門 開老翁鑽火 問姓字 手足戰  
慄 心肝推郎君 何事遭窮途 似此天變古 有無  
着朱食肉胡爲者 燕雀華堂笑啞啞 憨兒痴女  
畏天崩 掩袂椎胸 淚如瀉 身今潦倒 七十春 死  
填溝壑 詎足喚 願得年豐 戰爭息 子孫常作太  
平人 余聞氣結 不能答 把酒呻吟 臥長榻 詰旦  
鷄鳴 朝日曛 長揖老翁 向前邨

荆卿里歌酌李伯遠

歷代詩選 賦詩光父 五  
憶昔荆卿臨易水夜玉裝鞍叱撥紫袖中七首  
霜雪寒筑聲悽斷歌變徵太子爲前驅賓從奉  
鞭弭素冠我我滿路岐揮淚作雨沾別衣丈夫  
一言許人死吐氣化作長虹飛倏忽千年人代  
換燕臺寂寞黃金散樵夫指點荆軻山不見荆  
軻見榛蔓日暮牛羊欲下來數點桃花飛斷岍  
往事不堪道勸君且飲酒狂歌倒接籬古今復  
何有兒童拍手山公回隔林斜月西山隈

嘉祥觀

御街西去嘉祥觀臺閣岌嶢美輪奐煙雲漠漠  
春草深松栢亭亭拂青漢豐碑一片苔蘚泐影  
堂模糊土花碧見說先朝常侍家老去猶知憐  
白骨緝殿輝煌玄帝座馬鬣崔嵬見高墓生存  
已竊人主威死後還能借神祐桑田滄海須臾  
判死生貧富互回換春花墮地不上枝爲憶東  
風發長嘆金鳧玉盞竟何益秋風夜雨麒麟泣  
百年餒鬼誰子孫拱木蕭蕭下白日

五月梨花歌酌李良孺

歷代詩選 明倫彙編 六  
常山之北虎罝野易水潺沅走其下朱夏森森  
萬木齊誰是金柯縹帶者月影臺中舞袖移瑤  
光樓上玉參差青桃紫李枝纍纍瓊姿素抹偏  
相宜君不見鶴林九月開杜鵑層冰陰壑芙蓉  
妍又不見海棠有香竹有實沉香亭北芍藥欄  
朝紅暮白午色碧異卉奇葩只等閒催開催落  
風信前洗粧樹下趨芳年若教塗山紫梨大如  
斗千年一花世罕有饒君白髮曾見不

遊雲居寺

浩劫何年造龍龕接化城一邨深暮色數里落  
泉聲僧臘原無住雲居自得名清涼堪累日臨  
去歎浮生

送申美中南還

鍛羽真堪惜投珠祗自知才高逢世難天遠使  
人疑樹迥煙容澹山寒柳色遲紅亭催落日掩  
袂不勝悲

同江纘石大叅遊龍安諸山

不入亭山裏安知嶺嶠通曲能迴衆壑陡欲落

孤峰野色隨煙淨嵐光近午空栢巖何處所清  
梵出林東

其二

磴仄往來稀披蓊陟翠微野花縈馬跡山影上  
人衣鶴夢秋常警溪雲晚自歸但餐蘭菊好况  
對謝玄暉

楓

萬樹搖含色丹楓濯雨新葉酣宜映酒花艷不  
關春月冷吳江夕霜封漢殿晨征途那對此况

颯倍傷神

渡河懷弟

薊北行多雪河南到已花故巢新燕入春水舊  
溪斜立馬看山色停鞭問酒家臨觴慘不御池  
草思應賒

夏日憶泰兒用孫太初招鶴體

只在青山麓淹留意若爲關河風雨外雲樹夕  
陽時小犢晴沙牧羣駒曉月嘶此時猶憶汝孤  
坐益淒其



其二

只在汶陽口迴流下小灘  
疎風沉畫角叢桂隱  
雕欄漠漠鄉書否勞勞歸夢殘  
此時猶憶汝一倍別離難

臥龍崗

鬱鬱三分地蕭蕭一草廬  
銅臺新舞罷鐵戟未  
銷餘龍臥風雲護山迴  
竹樹虛還聞梁父詠傳  
得到樵漁

過葉縣

仙令一朝去孤城萬古留  
漢祠當落日淮水自  
東流不見鳧飛處空吟  
馬上秋寒原望邨邸煙  
樹引羈愁

李良孺諸君子將別去偶見新月有感

正月看新月春星映客星  
如何十日飲忽作五  
湖萍霞氣含邨樹溪光澹  
古亭相憐重把臂官  
路柳條青

春雪同張銘紳使君野宿

一徑野煙合千村玉樹開  
遠山青欲斷孤鳥白

歷代詩選  
初迴客路梅花蚤  
春江柳色催壚頭  
新酒熟停轡且銜杯

曉行

望斷燕雲路披星到石門  
雲光出遠岫樹色引前邨  
隱隱聞人語微微剩月痕  
相逢半行旅搖落未堪論

歲暮哭季弟

孤城閉雪餘尋簡日前書  
想像言猶昨淒涼歲欲除  
一坏猶未掩三徑已成墟  
客子天涯淚何

晴返故廬

洪崖山相傳張果老脩煉處

披翠倚層巔洪崖好拍肩  
晨光生野屐斷壑嚙幽泉  
爐蕪千花氣雲蒸萬井煙  
乘轡渺何許城郭自依然

宿泰寧寺松房

古剎松爲屋入門雲滿扉  
月隨疎影度濤傍晚鐘微  
梵唄傳深谷齋心坐息機  
還看遠林外乞食一僧歸

春早

邊城春亦早媚景鬱如茲遠岫舊當戶流泉初  
到池谷鶯聞乍嘒岍柳拂低垂擬得郊行意催  
成昨夜詩

送仲玉弟南還

孤鴈別江干無魚劔莫彈春衫何日換旅食傍  
人難坐覺片帆疾轉憐同被寒家山歸夢杳無  
計渡桑乾

同孫博士登翠屏山

縹緲荆襄色微茫淮泗波崕懸如墮石風撼漸  
凋柯客有蘇門嘯官如彭澤何羈情對搖落斗  
酒莫辭多

同吳桐伯晚憩山崗

牛羊下山麓片石坐苔衣暮色催蟬急長風  
鴈稀百年知遇少千里故鄉違莫惜郎官醉楓  
林照落暉

別樂之律朱季則二年丈

繁陽亭上山街日安陸城邊鴈度秋宋玉忽驚

歷代詩選 卷之七  
搖落後江淹不耐別離愁青山遺夢歸鄉國白  
眼隨人喚馬牛此去關河無間阻重教驛使爲  
春留

邵養誠走千里吊包學憲瑞溪余高其誼

詩以贈之

一夕秋風薤露新孟嘗門下更誰親猿聲送客  
暮帆急鴈影背人鄉夢頻然諾肯教侵宿草死  
生應自解窮薪越南燕北迢迢路白馬應憐  
故人

初度

官閒轉覺老侵人蒲柳蕭蕭易水濱塞馬平分  
憂喜日土牛曾逐去來春走離松下看羅雀嬾  
慢齋頭廢斲輪生事那堪常作吏不妨丘壑二  
毛新

送米君夢偕仲弟南還

醉後殷勤話更真西風旅泊若爲隣亦知芳草  
催遊子無奈他鄉別故人暮煙渺渺片帆沒古  
戍荒荒落鴈頻屈指歸期到天日鷓鴣聲裏聽

殘春

陸蓋卿至夜酌

蒹葭落日泛舟餘湖海當年把臂初白髮却嫌  
兒女大青山轉憶友朋疎霜欺十月燈前酒夢  
怯三年袖裏書浪說壯遊懷五嶽風塵羈客竟  
何如

喜仲弟君和卽到

扁鵲村西寒菊殷鵲鴿原上暮雲還無端客夢  
驚秋雨遮莫歸心入亂山湖海半生雙鳥在風  
塵千里二毛斑別來容易吟池草細倒芳樽莫  
放閒

酬楊秀才臺

薊門迢迓片雲孤一札衡陽鴈影徂豈憶昔年  
楊德祖猶憐當日范萊蕪江蘼灼灼秋堪紉夜  
月盈盈病欲蘇爲問黃金臺尚在騫騰千里待  
名駒

懷社中凌茂節胡永叔諸君

牢落孤城秋事微溇沱樹色澹斜暉憑誰共醉

歷代詩選 明 卷之九  
三  
青山月獨自愁  
寒白苧衣屈指交遊俱向夢拊  
膺身世更多違  
無端忽唱江南樂  
目送雲颿幾處歸

寧山絕頂

巖剝崔嵬亦壯哉  
蒼鱗偃臥白雲隈  
北來山色洪崖盡  
東折河流碣石迴  
下榻青蘿堪寄傲  
傍簷明月且銜杯  
氤氳坐領春風意  
乳燕遊絲次第催

賦得紅樹

高齋長掩薜蘿寒  
月冷霜酣木葉乾  
一夜砧聲催鴈度  
半江楓色耐秋看  
白雲乍斷孤霞出  
翠竹將遮野燒殘  
歲晚那堪搖落盡  
何緣對此且加餐

張日肩陳無功山署夜集

誰念蕭條到阮厨  
朔風捲雪夜啼烏  
自來劔術空燕市  
不盡吳歛共客途  
俸受十千多佐酒  
狂來百萬付呼盧  
相過只有高陽輩  
一任風塵罵酒徒

春興

小齋春事亦菲微桃李無言對落暉  
屋裏坐看山作案水邊居傍竹爲扉  
醉常曳屣過僧舍懶卽科頭上釣磯  
何物却關青白眼于今已忘市朝非

程康伯以典客出爲大興簿賦此調之

赤縣初聞借刺姦紅雲猶憶侍宸班  
共知高譽推仇覽更有新詩學義山  
按事且寬三曲舊徼巡偏到五陵間  
應道不遭無不可未肯投簪便

乞閒

上谷懷古

遙憶司空舊典刑還憐子玉臥柴扃  
上方趣賜于闐研四壁徒懸座右銘  
風雨幾番銷往事鶯花疆半付沉冥  
酈亭牢落偏多感齋閣猶堪見水經

其二

紅字磚邊識范陽桃花洞口入龍塘  
短松謾謾還清籟脩竹蕭蕭自古墻  
臺榭盧奴曾壯麗陵

歷代詩選 明 卷之二  
園宋代已淒涼白駒危渡思鄉日且向尊前學  
酒狂

其三

獨看山色向深秋把酒臨岐睥睨愁縹緲郝姑  
溪畔嫁翩韃胡姥鶴羣遊過橋曉磬清涼寺繞  
郭殘砧曲逆流聞道燕南堪避世夕陽衰草易  
京樓

周叔宗郁孟野見訊兼索酒賦謝

已是羈淒在路岐總來燕朔更天涯金臺寂寞

思鄒衍易水蕭疎泣漸離捉筆且將詩草和持  
觴還與菊花期遙憐到得同携手河朔風流又  
一時

夜坐

歸雲生晚涼疎影漏松月孤坐寂無言微風動  
林樾

張釋之祠

廷尉孤墳何處尋堵陽松栢晝沉沉一坏多少  
園陵土愁向人間說賜金



宿申陽

蘆花明月白未了長淮一帶碧天小生憎無賴  
汝南徒倚不眠啼到曉

春閨曲

春煙朝上豈蕊枝裝成帶緩單綃衣忍對遊絲  
逾百丈不繫行人一步歸

三續集卷

壽